

Schlitz
The Beer That
Made Milwaukee Famous

GEBRUIK
dagelijks
DOMO POWDER MILK
agents
VELD STORES

Dagblad

voor Aruba

FRESH UP
WITH
7 - UP
agents
VELD STORES

Rum
Roy de Copas

DE KONING
ONDER DE RUMS

18DE JAARGANG

WOENSDAG 24 APRIL 1957

No. 2811

„Lago, Mundo y Petroleo” un artículo interesante den „Esso News”

SAN NICOLAS.— En vista di e consideracionnan cu ta tumando lugar actualmente entre Lago y LEC concerniente na aumento di sueldo di e trahadornan di Lago, ta interesante di lesa e siguiente articulo tumo for di „Esso News” di Diasabra ultimo. „Esso News” ta skirbi bai di e titulo „Lago, Mundo y Petroleo” lo siguiente:

„Si un hende por drenta un tienda y compra un articulo pa dos florin, el lo no bai na un otro tienda y paga cinco florin pa e mes articulo.

Si un hende tabata trata cu un tienda di comestibles y un otro tienda ta rebaha su prijs, e hende lo bai na e segundo tienda pa compra su cuminda, pasobra na e lugar e no ta costa asina hopi.

Envez di pensa tocante hende y tienda di provision, laga nos pensa tocante compania di petroleo y e companianan grandi tur parti di mundo cu ta compra azeta. Of mehor ainda, pensa simplemente tocante Lago y ki lugar e compania ta tuma den negocio petroleo.

CASHI PA BOEKI
TEXAS FURNITURE STORE
Esplanada 5 - Tel. 1082 - 1083

Nos negocio ta pa refina azeta crudo y pa bendele. E motivo pakiko nan ta compra azeta for di Lago ta pasobra el tabata mas barata cu otro azeta. E motivo pakiko el tabata mas barata ta pasobra nos costo tabata abao compara cu costo di otro refinarianan, aunque Lago tin un tarifa di sueldo halto.

E prijs cu nos ta pidi pa nos producto ta e costo di e petroleo cu nos ta compra, PLUS e costo di refinacion (y esaki ta inclui sueldonan, beneficio, belasting y cantidad di otro cosnan cu ta representa „gasto di placa”), PLUS costo di transportacion, PLUS ganancia orihinal, ganancia na e refinaria y e ganancia di e negocio.

Awor, laga nos tuma un compania grandi, por chempel, na Holanda. Nan kier compra 20.000 ton di „fuel oil” pa

nan boilernan. Nan ta bisa: „Bueno, nos por compra esey for di Lago cu ta 4000 milja leuw, pasobra e ta bendé mas barata cu cualkier otro compania”. Asina nan ta compra cerca nos.

Pero: Un refinaria nobo ta worde traha na Rotterdam, y e hendenan cu ta operele ta busca rond unda nan por bendé nan productonan refina. Y asina nan ta mira e fabrica di Mijneer X; y nan ta bai cerca dje y ta bisel: „Mira, nos por bendé bo e azeta ey mas barata for di Lago. Pakiko bo no ta compra for di nos?” Y Mijneer X ta bisa: „Com por ta?” Nan ta sigui bisel: „Nos refinaria ta mas nobo cu di nan... nos costo ta mas abao... y ademas nos ta bisinja di otro. Tur loke nos mester haci ta desembarka e azeta crudo, refina den nos planta y manda bo loke bo mester.”

Mijneer X, Un Negociante
Mijneer X, un negociante, ta comprende esaki: Si e por compra azeta mas barata, esey lo rebaha su costo. Y si e baha su costo, esey ta nifica cu el por rebaha prijs di su producto. Y ora e baha su prijs, el ta aumenta su venta... el ta bisa **COMPETIDOR**.

Ta asina negocio ta opera den un sistema di empresa liber. „Empresa” ta nifica cu e homber cu tin idea por popte na vigor den su negocio; „liber” ta nifica cu no tin reglanan y leynan severo poni ariba dje excepto planan di honestidad, justicia y completo valuarion di articulonnan y servicicionan.

E persona cu por traha un mehor articulo, baha su costo y bendele mas barato cu cualkier otro homber, y e manera cu e ta haci esaki, manera nos a mira, ta dopor di baha su costo. Bueno; kiko esaki ta nifica pa Lago y negocio di petroleo, y pa e trahadornan di

Lago?

Un poco anja pasa, no tabatin bastante azeta ta worde produci pa cumpli cu necesidadnan di tur cu tabatin mester. Awendia pedida ainda ta surpassa oferta di producto, pero no hopi. Cumpradornan awe por busca rond pa e mehor prijsnan.

Loke ta haci esaki doble critico pa nos ta cu na Europa, unda un cantidad di nos productonan ta bai, refinaria tras refinaria ta worde traha, y cu cada bari di producto refina cu nan saka, Lago su mercado ta sufi un poco mas. Sueldonan den algun refinaria ta, bruto compara, mitar di loke nos sueldonan ta. Ta facil pa mira pakiko ta birando dificil pa keda competidor.

E negociante fingi cu nos a caba di menciona, Mijneer X, sabi e becho: nan di bida economico; esey tambe e refinarianan nobo na Europa sabi.

Y Lago tambe sabi nan.

Ignorando un becho no ta haciele stop di existi. Nos no por keda bisa nos mes: „Mi no tin un pia kibra” y pensa cu nos por corre ariba un pia cu ta kibra dos parti. Tampoco ningun hende no por sigui bisa „tur cos ta magnifico—Lago ta gana placa y semper lo gana” ora e keda marca den historia, Lago ta bringando e bataya di su 30 anja di bida; y e problema ta, si Lago gana, tur hende ta gana, y si Lago perde, tur lo perde... empleadonan, comunidad, e isla.

Si Lago Perde.
No tin mester di un economico of un abogado of un experto financiero pa haya sabi kiko por pasa si Lago perde. Y solamente un hende cu un cabes bashi ta tere cu no tin un bataya pa keda na bida.

Ningun hende no tin un pia mas grandi den futuro di su planta cu e weon empleado cu ta bisti su „safety hat”, ta traha su ocho ora, y ta bai cas atardi.

Un refinaria di petroleo no ta manera e aroyo den e poema—cu ta sigui corre pa semper. No tin bastante energia den un portret den Esso News di e planta bieuw di Eagle na New Jersey cual a experimenta cu el tabata perdiendo e mas bataya cu Lago ta aden awor: el a gerra.

Recientemente e Refineria Esso na Bayonne, enfrenta cu costo intolerable den forma di belasting halto, a considera pa cerra completamente.

Dos anja pasa Tidewater Oil Company a cerra su planta na Bayonne y a move pa un otro ciudad y estado unda su operacion lo sali mas economico.

Asina, no ta algo nunca desconoci pa un refinaria cerra y move.

Lago ta compitiendo cu plantanan ariba henter mundo: cu plantanan nobo cu tin tur equipo y aparatonan tecnico nobo pa produci mas facil y mas barata, y plantanan bieuw cu a cortá gastonan general te na weso den un esfuerzo mayor pa keda competidor.

Loke lo pasa cu Lago y su lugar den negocio petroleo mundial no ta depende solamente ariba e Junta di Dependencia pero tambe ariba e homber cu ta opera e stillnan, y cu ta corre e truck — e welderman machinistan, trahadornan di waf, e clerkan, hefnan, e oficialnan — kendenan ta forma e cabez, e expertonan y mannan di e Lago fuerte y gigantesco. No tin bastante energia of tempo bringa tur e batayan. Solamente fin tempo pa un bataya: e bataya pa keda na bida.

NAVEGANTE SERIA-MENTE HERIDA

SAN NICOLAS.— Un navegante G. a worde herida seriamente Domingo den un baile na San Nicolas ora cu ela hanja discusion cu E.O. y esei a atakele cu un cuchu y un botter kibra. E navegante a hanja cortanan basta hundo na su garganta y skouder y despues cu dokter Maas a duna prome ayuda nan a hibe Centro Medico na Lago. O. a worde deteni.

DIABIERNES AWOR PELICULA PA MUCHA

ORANJESTAD.— Diabiernes awor na siete or lo tin un pelicula pa mucha tras di e edificio di Tabuleerdiens na Lugoeweg.

E pelicula ta bai over di e spionnan ingles.

Pa di prome biaha riba suelo Antillano



Cu e Convair di KLM „Cursow” a yega ayera tardi e Gobernador nobo di Antillas Holandes, S.E. drs. A.B. Speekenbrink cu su esposa. Ela worde duna bonbini riba suelo Antillano door di Gezaghbeber di Aruba, mr. L.C. Kwartiz, Commandant di „Mr. Ms. „Van Speijk”, lt. t. zec B. van der Land, sr. Hooghoudt, miembro di kabinet di Gobernador, sr. Godfried Eman na number di KLM na Aruba, y sr. Hoekstra na number di KLM na Corsow. Gobernador, kende tabata viajando di incognito a sali for di vliegvel, na unda solamente un grupo chiki tabata mirando yegada di e gobernador nobo, cu direccion pa Basi Rutti. Anochi cla barea a bordo di Hr.Ms. „Van Speijk”, cu cual ela yega Corsow awe mainta. Riba e foto di robes pa drechi e Gobernador, su esposa y Gezaghbeber di Aruba.

Record y posicion completo di e Campeonato Clase A di Basket 1957

(Di nos Sportreporter)

O'STAD.— Manera nos a yega di informa caba e campeonato di basket-ball masculino clase A a termina siman pasa. R.C.A. a conquista e titulo di campeon den e division aki ganando tur su encuentronan en excepcion di e ultimo cu verdaderamente nan a gana ariba tereno pero como cu nan a hunga cu un hungador ilegal e partido a worde kita for di nan manera ta stipula den Reglanan di Aruba Basketball Bond.

Di e campeonato aki nos a tene un record di cada hungador di e equiponan segun nos tabata hanja e cifranan for di e score-book oficial. Identificacion di e letternan di e record publica aki bao ta lo siguiente: WH- wega hunga (esaki naturalmente ta nifica weganan den cual e hungador a tuma parti y no necesariamente un wega completo); FG- fieldgoals anota; FT- free-throw anota; PF- personal foul cometi; TF- technical foul cometi; PTS- puntos anota.

RACING CLUB ARUBA									
Hungador:	Wh	Fg	Ft	Pf	Tf	Pts.			
N. de Cuba	6	31	1	4	0	63			
A. Brokke	6	22	17	7	0	61			
V. Labega	5	12	1	12	0	25			
Ch. van Eer	6	7	0	12	1	14			
W. Pole	4	4	2	3	0	10			
E. Laele	4	4	2	7	0	10			
H. Bruinburg	5	4	1	7	0	9			
L. Aponte	5	1	1	3	0	3			
D. L. Henriquez	2	0	1	0	0	1			
R. Hernandez	2	0	0	5	0	0			
B. Parada	1	1	0	4	0	2			
Total:	86	26	64	1	98				

CARIBE									
Hungador:	Wh	Fg	Ft	Pf	Tf	Pts.			
S. Frigero	5	20	2	3	1	42			
Ch. Ponson	4	17	1	1	1	35			
M. Arends	6	14	1	4	0	29			
E. Ponson	6	9	0	7	0	18			
C. Harms	4	5	3	5	0	13			
D. Harms	6	6	0	5	0	12			
J. Fisher	2	3	3	4	0	9			
E. de Cuba	4	0	1	5	0	1			
R. Harms	1	0	0	1	0	0			
F. Ponson	1	0	0	0	0	0			

CHINESE CLUB									
Hungador:	Wh	Fg	Ft	Pf	Tf	Pts.			
R. Zandwijken	5	12	12	14	0	36			
H. Hoo	6	14	3	8	0	31			
H. Ponson	6	10	3	4	0	23			
B. Marchena	6	10	2	9	0	22			
A. Geerman	6	7	6	9	0	20			
A. Genser	6	5	3	9	1	13			
F. Boekstaf	6	3	3	7	0	9			
Total:	61	32	60	1	154				

ARUBA JRS.									
Hungador:	Wh	Fg	Ft	Pf	Tf	Pts.			
O. Jacquin	6	24	4	8	3	52			
J. Brion	6	18	6	8	0	42			
E. Martinez	6	15	1	4	0	31			
H. Quillot	5	7	5	13	0	19			
H. d'Arnault	5	6	2	13	0	14			
J. Maduro	6	3	2	1	1	8			
L. Rodriguez	2	2	3	4	0	7			
J. van Wilgen	5	1	0	9	0	2			
C. Kipp	3	0	0	3	0	0			
H. Tromp	1	0	0	0	0	0			
E. Brion	1	0	0	0	0	0			
Total:	76	23	63	4	175				

Como campeon anotador a resulta pues Nico de Cuba di RCA cu un total di 63 punto. E partido den cual e hungador aki a anota su maximo cantidad di punto tabata e promer encuentro contra Caribe, en 18 punto. E record di maximo cantidad di punto anota den un partido ta na number di e largo center di Chinese Club Rudy Zandwijken, kende a anota contra di Aruba Jrs un total di 22 punto dia 19 di Februari 1957 ariba cancha di Es-

DIASABRA ANOCHI BAILE DEN MARINIERS- KAZERNE NA SAVANETA

ORANJESTAD.— Diasabra awor dia 27 di April lo tin fiesta atrobe den Marinierskazerne na „Savaneta”. Na ocasion di anja di La Reina lo tin un cabaretavond, y e mariniersnan mes lo dirigi e fiesta y algun Mariniers lo haci presentacion.

Despues di e cabaret aki, cu lo ta un ora masha alegre e baile lo cuminda den cantina. Es blaha aki tambe „Magos del Ritmo” lo duna nan cooperacion, y tambe „Savaneta Laundry Band”. Al contrario cu e otro anochi nan, awor mester paga algu pa entrada, y e producto lo ta na beneficio di „Prinses Wilhelmina — kankerbestrijdingsfonds”.

Kaarchinan pa e anochi aki ta obtenible na bureau di O.S. & O. den Marinierskazerne y tambe na secretariaat di „Onze Vloot”, na oficina di N.E.N. Wilhelminastraat 31.

Prijs pa e kaarchinan ta f. 0.25, y e fiesta ta cuminda 20.00 or.

POLIS PA MUCHA Y MORAL TA CONTINUA SU ACCION PA HUBENTUD

ORANJESTAD.— Polis pa mucha y moral na Aruba cu a organiza un toernooi di wega di bala pa mucha den vacante y cu tabatin asina exito, y cu antea era a organiza un wandelmars pa mucha, lo sigui cu nan accion.

Eigenlijk ta e wandelmars ta esun cu a duna e decision, e cantidad di muchanan cu a tuma parti na e mars y tur e grandicimientonan cu e polisnan a hanja despues di e mars a anima e polisnan pa sigui cu e accion aki.

Nan tin idea awor di stel op un programa pa e otro vacacion.

Nan tin idea di bolbe organiza un wandelmars mas y diverso toernooi di sport, manera wega di futbol, volleyball, baseball, y tur, e grupo nan di mucha cu ta interesa aden por tuma parti.

Nos ta spera cu tur e plannan ei por worde realiza, y pa esaki mester di hopi interes no solamente di e muchanan so, pero tambe di maestronan di school y principalmente di e mayornan.

FIESTA DI REPRESENTAN- TANTENAN DI PERSONAL DI LAGO DIA 27 DI APRIL

ORANJESTAD.— Tur e personanan cu a worde scobi den e varios comiteenan como representantenan di e empleadonan di Lago, lo tene dia 27 di April nan reunion anual. Esei lo sosodre riba e terrenonan di Golf Club na San Nicolas y e homber cu hunto cu su ayudadonan lo organiza e fiesta ta sr. Merl Fish. Na e fiesta lo ta entre otro presente miembronan y esnan di directiva di Lago Employee Council, Special Problems Advisory Committee, Lago Commissary Advisory Committee, directiva di Lago Sport Park y Esso Heights Advisory Committee.

SPARTA ROTTERDAM LO BINI ARUBA?

ORANJESTAD.— Segun nos a tende di fuente fidedigno na e momento aki ta worde trata entre directiva di AVB y e club di professionals Sparta Rotterdam y e chens ta grandi cu Sparta Rotterdam dia 13 di Juni lo bin hunga un of dos match na Aruba.

RCA.
J. Maduro di Aruba Jrs ta esun cu a participa den mas partido y a comete menos fouls, esta 1 foul den 6 partido.

B.C. A REGLA E ASUNTO DI TAXI

ORANJESTAD.— Pa evita perdida di tempo i dificultad den futuro den transporte di turistanan cu ta yega na Oranjestad, Concho di Gobierno (Bestuurscollege) a haci e siguiente arreglo segun nos a worde informa oficialmente.

1. Comokiera cu den e caso aki tin di haci cu transporte di pasaheronan cu ta ser cogi na Oranjestad, a ser tuma como punto di partida den e arreglo aki e proteccion di interesnan di e choffeurnan di taxi di Oranjestad. Of sea cu ta nan t'esnan cu prome ta haya oportunidad di participa den transporte di turista for di Oranjestad. Ta te ora en e taxinan disponible, estaciona na Oranjestad, no ta suficiente p'e transporte necesario, anto e taxinan cu ta pertenec na San Nicolas lo ser contrata. Si sosode en di esakinan tampoco tin basta

disponible pa zorg p'e transporte cu tin mester, anto e ora ey por haci uso di bus.

2. Hefe di Oficina di Turismo, Sr. E. Bartels, lo purba lo mas posibie pa haya sabi, un dia prome cu jega di vapor, cuanto transporte lo tin mester p'e turistanan, incluyendo tambe e taxinan p'e tounnan organisa pa Sras. K. Howdeshell i J. Faucett.

3. Hefe di Oficina di Turismo lo pone su mes den contacto cu Presidente di Choffeursbond di Oranjestad, pa zorg pa tin suficiente taxi e dia i ora di jega di e vapor di turista, tanto p'e transporte „coriente”, como tambe p'esun destina p'e tounnan mencion.

4. Despues di e consulta Presidente di Choffeursbond di Oranjestad, Hefe di Oficina di Turismo, si ta necesario, lo informa Comisario di Pells cuanto taxi tin mester for di San Nicolas.

CERVEZA HEINEKEN'S

TIN PLACER DI ANUNCIA

Un Gran Drive di Bingo Dia Jueves 25 di April 8 or di Anochi den CLUB WATA PANA

Tur hende ta bonbini

Kaarchi obtenible na fl. 1.00

ANUNCIO

Directiva di „Trappers“ ta pone na conocemento di tur melubru y simpatizadornan cu es balle di dia 21 di April a worde cancela pa motibo di murimento di nos Fundador Rev. P.O. Penninx y tambe cu es balle ta sigi dia 29 di April dialuna awor pa 8.30 p.m.

Musica ta worde respalda pa „JOVENES DEL CARIBE ARUBA“.

DIRECTIVA.



Pa un trafico
mas sigur

Continental R

Importador:
E. & G. MARTIJN (ARUBA) LTD.
Tel. 1492-1493

PAGINA TRES

Publicacion den „Izvestia“

Correspondencia entre Potencianan Grandi
durante crisis di Suez

LONDRES — E corant „Izvestia“ di gobierno di Rusia a publica ahera un correspondencia entre prome ministronan di Rusia, Inglaterra, y Francia durante di e crisis alrededor di Canal di Suez „pa informa“ opinion publica di mundo precisamente loke e actitud di e potencianan grandi tabata tocante e kestion di Mediano Oriente“. Gobierno Ingles tambe a publica e correspondencia.

Den un carta di Bulganin di 11 di September e ta referi na presencia di trupa Frances na Cyprus y na disposicion evidente di Inglaterra y Francia pa inicia un accion militar contra Egipto.

Bulganin ta puntra: „Cu tal accion por armonisa cu calidad di miembro di Nacionnan Uni? Tal accion lo perhudica e Canal mes, e camponan petrolero y e tuberianan. Tur Arabier lo resiti, y esaki lo nifica cu danjo matrial lo ta tremendo, principalmente pa Inglaterra y Francia y como resultado pa enter Europa“.

Sir Anthony Eden a contesta dia 16 di Septem, cu e carta di Bulganin aparentemente ta basa riba mala interpretacion di posicion di gobierno Ingles y ta contené cierto

error real. Eden a recorda, cu Inglaterra a convoca un conferencia internacional pa discuti e asunto di Canal di Suez como consecuencia di e accion ilegal y provocativo di Nasser.

Un portavoz di departamento pa asuntunan exterior Frances a declara en conexio cu publicacion di e carta-

nan, cu l'francia ta considera tal publicacion inspira pa desonnan di propaganda. Circulacion diplomatico na Paris ta considera publicacion di e cartanan cu un paso nobo den campana di Rusia pa convence paisnan Arabi, cu nan unico amigonan ta na Rusia.

Prinses Wilhelmina Fonds a ricibi caba
dos donacion grandi

ORANJESTAD. — Prome cu e gran accion di Prinses Wilhelmina Fonds a cuminsa, esta colecta placa pa kankerbestrijding ya e directiva a ricibi dos donacion grandi. Di e habitantenan di Lago Kolonie nan a ricibi via Lago Community Council un suma di \$906. Tambe S.M. La Reina a destina fl. 807.34 pa prinses Wilhelmina Fonds na Aruba, e placa ei ta kita foi di e produccion di e placa nan cu nan a ricibi di entrada pa e tentoonstelling di e regalonan cu La Reina y Prinses y hanja na West.

Diasabra Sra. J. Kwartz a ricibi noticia di e donacion aki.

Tambe nos a ser informa cu ajera

mainta nan a cuminsa cu bendemento di e prentbriekarten na postkantoor na San Nicolas na beneficio di e fonds.

Na Oranjestad nan a cuminsa awe mainta cu bendemento di e prome kaar-chi nan, na postkantoor. Tambe nos a ser informa cu sra. Groder a turna voorzitterschap over di e comite pa colecta placa na San Nicolas, cual ela tumbe over foi sra. Boekhoudt cu door di circunstancia no tin tempo.

ELA HANJA UN POTMONNIE

SAVANETA. — Sra. De Man biba na Savaneta No. 312 a hanja Diasabra 13 di April un potmonnie cu fl. 10.— aden. Su donjo por hapije serka e senjora aki.

Gradicimiento

Pa medio di esaki nos kier extende nos mas sincero gradicimiento na tur cu na un of otro manera a muntra nan atencion durante enfermedad i morto di nos querido inolvidable esposo i tata

DOMINICO PORFIRIO TROMP
(Q.E.P.D.)

Na nomber di su esposa
i hunan.

Verf Van Vettewinkel

Oduber & Kan inc.
Opticians tel. 2193

TA PRESENTA

Charlotte y su fatal destino

pa TUYUCHI:
No. 41

„Bo ta cla?“ el a puntra cu wowo-

nan cu tabata lombra di furia.
„No. Ainda mi tin mas di bisa. Mas- que cu mi mester perede di hamber, toch lo mi bandona e cas aki. Mi ta prefera di traha cu sodor di mi frente pa mi gana mi pan, cu di queda aqui soporta bo crueldadnan“.

El a dal man tapa su cara i a cuminsa jora amargamente. Hamas el a risca papia asina tanto cu Vivian. Pero awor a caba — awor el a deshoga su curazon.

Vivian a lamanta i a bai na e mantel di schoorsteen, camina tabatin un oloshi di porcelana cologa. El a busca e jabon i a cuminsa ta duna e oloshi cuerda, como si fuera no tabata interese mas pa loke su muhe tabata papia. Suavemente el a cuminsa ta fluit un cancion.

Charlotte a queda ta mira na su lombra indiferente. Su proceder a pone e muhe bira ainda mas loco. El a camina bai cerca dje i a dal Vivian cu su moketa riba su pecho.

„Bruto, monstruo, diabel!“ el a grit'e bao di mitimento. „Bo n' tende quico m'a bisa bo?“

„Sigur m'a tende.... bo ta fada mi“.

Charlotte, quende antes tabata asina calmo a bira loco awor di indignacion i a cohe e oloshi di porcelana dal esaki quibra na flingrana, e veer a rementa i e oloshi a stop di camina.

Sanger a subi awor na Vivian su cabez. El a queda ta mira awor na e oloshi costoso i el a abri man dal'e muhe aki un bofta den su cara.

„Tuma; esai ta pa bo cachor“, el a bisa e muhe.

„Esaki ta di ultimo bez cu bo ta dal mi i zundra mi“, Charlotte a grita na boz alto. M'a soporta basta soquetada caba den e cas aki — i awor mi ta bai pa semper“.

„Ta di llo bez caha cu b'a bisa esai. Pero ainda bo t'e“.

Tras di porta tabatin un crier ta scucha. I el a jama Gertruda pa e tambe bin scucha.

„Cos ta bai serio aiden den nan

dos“, e crier a bisa na boz baho munstrandu riba e porta.

„Ta pleito nan tin cu otro. E lady a bisa cu e ta bandona e cas aki“.

„Mi Dios. Ohala cu e homber no mishi eun'e awor ai, pasobra e ta na estado i esai ta masha peligroso“.

Diripiente porta a dal abri i cu cabecinan bruha i wowonan ancho abri Charlotte a corre sali afor.

„Lo bo no quita Eleonora foi mi, tur bestia cu bo ta. E ta bai cu mi“.

Gertruda i e otro criaman eu tana- ta para ta seucha a corre sconde.

Lord Chase a corre sali tras di su muhe.

„Si bo quier bandona e cas, a to Eleonora ta queda aqui“, el a grita. „Lo mi sinja bo ta ken ta manda aqui“.

Pero ya amenazanan no tabata importa Charlotte mas. El a hiza su shimis i a corre subi e trapi camina su yiu Eleonora tabata, mientras Vivian tabata corre subi su tras, zundando tur sorto di palabranan insolente. Na mitar dje trapi el a logra cohe e muhe tene.

„Bo n' ta hai cerca bo yiu... Mi no quier larga bo bai-aya“, el a grit'e na mal manera.

„Larga mi hai“, e muhe a grita i a trata di ranca foi e homber bruto.

El a sigui ta bringa e muhe i e mester a constata eom fuerce e muhe aki a bira den su furia. Gertruda a queda ta mira nan cu ansia. El a mira com Charlotte a haci su man liber i a dal Vivian eun'e den su cara. El a mira com Vivian a cohe e muhe aki i quier a cohe esaki bira. Charlotte tabata para eu lomba pa leuning dje trapi. Su pia a slip, el a trata di ranca foi Vivian, ma ora cu e quier a busca su equilibrio trobe el a cai foi e trapi. E tapiji diki riba e trapi a evita lo peor, sin embargo el a resulta te na di ultimo treed exponi eu brazanan extendi i foi su conocemento.

Capitulo XVII

Ora cu Vivian a corre baha e trapi ya Gertruda tabata caba cerca su maestra.

Cumpleanjos feliz

Pa cortesia di

KAN

E MEHOR cas di Regalo

Masha pabien nos ta llama Mario Francisco Arends, kende a haci 5 anja awe: na nomber di su mama y tata, rumannan Carla, Sara, Bibi, Simon, Francis, Andre, Ana Magaly y tambe di Maria Werleman.

CADA REGALO TA BONBINI
PERO DOBBEL BONBINI TA

Un REGALO compra serka

KAN.

Nassaustraat 47 - Oranjestad

Pa senjorita Susita de Cuba, kende a celebra su cumpleanjos tambe, ta bai hopi pabien di parti di Emilliano, Lia, Jorge, Mirto de Cuba, Eric, Pablo, Maria y Lorenzo.

Ademas nos sincera felicitacion pa: Maria Irena de Cuba, 14 anja; Ofelia de Cuba, 18 anja; Orlando Deel- 25 anja; y na e pareha senior Max Hoevertz y su senjora Carmen Sulmira Bremer de Hoevertz, kende nan ta recorda nan fecha matrimonial.

Sincera felicitacion ta bai pa senjora Catharina Pers- cu a haci anja awe, di parti di su estimado esposo Jose, juman Lilia y Rudy, su mama Maria, rumannan Rosa, Francisca, Bernardo, su tanta Helena, subrinanan Juan, Eric, subrina Carmen na Corsow y demas familia.

Pa motibo cu e hoben Arend van der Bleek a cumpli 18 anja, e ta ricibi felicitacion di su mama, rumannan Manuel, Pina, Aida y Hendrik, su swanen Eric Hassel, Abelino Thijssen, cunja Barbara Frank, subrinanan Daniel, David, Jacinta, Rosimbo, su wela Thomasa Frank.

ALL KIND OF FEEDS



A.G. Th. ARENDS
Tel. 1625 - 1230

Pa aviso y tur correspondencia pa „Arubaanse Courant“ dirigibei na: **Postbus 40, Oranjestad.**
Telefon 1116 - Directie y Aviseo
3116 - Redaccion y Subscripcioes.

Numero suelti di ARUBAANSE COURANT por worde obtini na San Nicolas na Union Store, Mainstreet.

AGENDA
Diasabra 24 di April
C 11 M
DE VEER THEATER 20.30: The Last Hunter
RIJALTO 20.00: La Tercera Palabra
PRINCIPAL 20.00: Laughing Anne
AURORA 19.30: The Matchmaking Marriage
SAVANETA 19.30: Quincannon the Frontier Scout
BOTICA DI WARDIA
Oranjestad: Botica Aruba
PARTERA, ENFERMERA, ETC.
Zuster Braumüller, tel. 1355.
Nassaustraat 42, Oranjestad.
Zuster M.E. van der Mark, tel. 1587, Rondweg 4, Dakota.

RADIO KELKSOOM
289 m. — 1435 kcl.
11.30 Chappulin y su Conjunto
12.00 Lunchmuziek
12.25 Nieuwsbericht
12.45 Musica Nortemericana
1.00 Jóvenes del Cavo
1.15 Juan Polanco
4.00 Programa Cita a las Cuatro
4.30 Programa van Winko
5.00 Programa van Winkel
5.30 Senne Suarez
5.45 Johnny Albino
6.00 Tito Lara
6.15 Cumpleanjos feliz
6.30 Dinermuziek
7.00 Noticias (Rap)
7.15 Pedro Infante
7.30 Max van Praag
7.45 Nieuwsbericht
8.00 Musica Nortemericana
8.15 Novela „Mia o de Naitie“
8.30 Conjunto Cnino
8.45 Smakelijk Eten
9.00 News in a Nutshell
9.05 Orquesta Aragón
9.15 Nelo Sosa
9.30-10.00 Peliculas
VOZ DI ARUBA
457 m. — 645 kcl.

06.00 Apertura
06.05 Dushi amanecer na Aruba
06.30 Masha Antillana
06.45 Ritmo's Chachacha
07.00 Dedicado a oyentenan na exterior
07.30 Variedad musical — musica for di diferente pais
08.00 Sittung te 12.00
09.00 Apertura
12.05 Melodias Antillanas
12.15 Noticia Internacional y Antillano na Hulandes
12.30 Selección di merdia
13.00 Mundo en marcha
13.15 Noticias Antillanas
13.30 Mexico canta en su radio
13.45 Novela „Don contra el mundo“
14.00 Clausura (te 16.00)
16.00 Apertura
16.05 Complacencia Rey de Copas
17.00 Ora Infantil (Papimentu)
17.30 Variedad musical
18.00 Mario S. Arends presentando:
Bo orquesta favorita
18.30 Concurso musical telefonico Bordens
19.00 Pabien y melodias popular
19.30 Noticiero na Hulandes
19.45 Musica Americana
20.00 Noticia y comentario na Ingles
20.30 Novela Colgate-Palmolive
21.00 Mei ora di disco nobo
21.30 „La Hiera Azul“
22.00 Y finalmente, un mei ora di musica clasica
22.30 Clausura

y... MESKER ta drecha mi MEUBELNAN

GEZAGHEBBER Y DEPUTADONAN LO BAI HULANDA

ORANJESTAD. — Ta sigur cu Gezaghhebbber Mr. L. C. Kwartz lo sali pa Hulanda diabiernes awor.

Deputado O. S. Henriquez tambe ta sali pa Hulanda.

E biabanan aki ta en conexio cu e conferencianan cu e delegacion Antillana lo tene na Hulanda.

OTRONAN TA HACI BO BIDA MAS COMODO

Na Hulandes nan ta bisa:

„No ta por nada solo ta sal!“

Esai kier meen, si duna algo, (electricidad) algo mester worde ricibi (placa).

Pesei tur luna nos cobradonan ta pasa na toer cas cu recibo nan tin cu cobra, cu asina nos por sigi duna coriente den bo kas. Ora cu un cobrado jega na bo porta i e presenta e recibo no laga e bai sin bo entregéle e placa.



Hopi empleados ta traha

dia i nochi pa semper bo

tin coriente den bo cas.

Asina bo ta biba mihor.

Haci uso bon di dje.

CORRIENTE TA HACI ASINA HOPI

I TA COSTA ASINA POCO

esaki ta un publicacion di



Conservación di bo bista ta dependé di calidad di bo glas di bril. Bausch & Lomb Optical Co. tin unicamente glas di primera calidad.

Agente
ODUBER & KAN
Opticonan den Nassaustraat No 47

(E ta sigui)

EL CISCO KID

Por José Salinas y Rod Reed



Cu nan mannan na halto Cisco y Pancho ta lanta para y ta bira pa nan mira ta kende nan a ataca nan atrobe. Ora nan dui mira, un grupo di homber riba cabai ta apunta nan cu nan revolver y Cisco ta puntra: „Kiko ta pasa?“. Y e homber cu ta na cabez di e grupo ta bisa: „Ta nan mes. Nan tini e caha di placa.“ E grupo ta acerca Cisco y Pancho. Cisco cu ta comprende e asunto mas o menos awor, ta contesta: „Senhor... Nos no ta...“. Pero e cabezante no ta lagule termina su frase, sino ta bisa: „Sera bo boca, sino bo ta corre peliger cu

nos ta bai colgabo.“ Nan ta manda Cisco y Pancho padilanti riba nan cabai y Pancho ta bisa Cisco yen di ansha: „Laga nos bisa nan kende nos ta.“ Pensativo Cisco ta mira su dilanti y ta responde e ora: „Keda keto. Palabra no ta sirbi nos di nada.“ Y asina nan ta continua nan marcha. Dios sabi pa unda y kiko nan lo hasi cu nan. Un di e hombernan ta observa despues di un rato: „Kiko nos ta warda?“. (Nan ta bau e idea cu e dos hombernan aki ta esun nan cu a ataca e waag.

Tom Richardson, detective di fama mundial

E MISTERIO DI DEN E ZOLDER

Pa TUYUCHI

Sin haci di minimo ruido Richardson a alcanza cas di Borton. El a bai na e parrayon i cu rapidéz atletico den un frega di wowo e tabata ariba. E tambe a subi e trapi di herca, cu tabata bai di e prome piso na e sehoorsteen i a alcanza dje manera ai riba dak.

Silenciosamente el a inclina su mes over dje panchina di dak.

Manera un pushi asina el a alcanza e bentana riba e dak door di unda Richardson a supone cu e criminal por a larga su curpa zak baha den e zolder.

Bentana dje dak tabata cerra parti paden.

CASHI PA BOEKI
TEXAS FURNITURE STORE
Cmstraat 5 - Tel. 1082 - 1083

E no por a logra abri esai. I el a ripara cu e otoman bentanan di dak tambe tabata mes cerra tambe paden.

E maestro a comprende awor cu dje manera aqul lo tabata imposible pa e por a bai den e zolder. Aunque cu e por a quibra i forza e bentana drenta, pero esai tabata net loque e no quier a haci. Silencio tabata un dje prome exigencianan den e asunto aqul.

No tabatin otro manera tampoco pa e detective por a bai riba e zolder. Un rato el a queda sinta riba dak ta reflecciona ta quico e por a haci.

Porfin el a murmura:

„Al right, Nos ta cla. E plan aqul si mester tuma luga.

Prudentemente el a bolbe baha na e parrayon mesos cu el a subi. I

pronto nos maestro tabata para trobe riba terra forme.

E acesino a ser arresta Richardson a regresa trobe cerca Tomson i Borton cu tabata spera riba dje den e anchi.

„E ta riba?“ nan tur dos a informa loco di nerviosidad.

„Si. Pero el a cerra e bentana dje dak parti paden. De la manera cu mi no por a drenta.“

„Ta quico lo nos tin di haci awor auto?“ e inspector a informa. „Si ta asina, auto lo bo tin bai toch ariba hunto cu nos.“

„Esai lo mi no haci den ningun caso. Si e malbado lo mester sinti di minimo sospecho, auto lo e dal un dje bentananan di dak abri i e ta bai bai sin cu nos lo por hanje mas.“

„Mi por para ward e baha den caja e ora ai i arreste“ e inspector a bisa. „Ai no, mi amigo. Si e hui, auto e por bula pasa over di tur e daknan ai i nos ningun no sa ta na unda e ta bai baha, esta qui banda.“

„Si. Esai ta berdad trobe. Pero ta quico lo nos mester haci auto?“

„Seucha... mi ta bolbe bai i beso ta queda tur dos aqul alomenos 10 minuut.“

„All right!“

„Sr. Borton, si mi no ta exagera, na ala derecho n'e parti dilanti di bo cas tin un sorto di un bentana rendo door di cual hende por bai riba zolder tambe?“

„Si. Esai no.“

„Bueno, Senjores. Boso mester bini hunto den un combersacion amia riba caja. I boso mester queda para

combersa duro met bao dje bentana di dak aya.

„Anto aya boso ta queda combersa mas duro posible. Mientras abo Senjor suplica e inspector pa drenta, un rato den cas cu bo, pa e tende ora cu e zonido cuninza den zolder. Pero abo mester nenga esai redondamente. I segun boso ta bai combersando lo pasa dje manera ai algun minuut i entre tanto lo mi trata na podera dje malbado.“

„Lo nos sigui bo indicacionnan precisamente Senjor Richardson“, e inspector a bisa. „Pero ta com abo ta haci pa arresta e malbado? Tur com... por favor.“

„Esai lo bo mes mira. Pero prome tur cos, lo mi quier suplica boso di no mira na laria, esta riba dak prome cu mi a haci boso.“

„All right. Sin embargo mi ta queda curioso.“

„De la manera cu boso a comprende mi boso? Despues di 10 minuut auto.“

Richardson a retira e i a larga e dos hombernan aqul atras den un profundidad aventuristica i hopi excitada. Inspector Tomson tabata babuca i ainda e no tabata quere e palabranan di Richardson mucho. Pero di otro banda tampoco e no tabatin motibo di duda den e gran maestro cu a haci arrestacionnan mucho aventuristica cu esun simple di awe noch. I cada un preocupu cu nan mes pensamentonan e dos hombernan aqul tabata spera e 10 minuut cu tabata parce lo dia pasa.

Entretanto e maestro a yega trobe na cas di Borton i pa di dos bez el a bolbe subi na e tubo di parrayon bai ariba i a subi bai te na e sehoorsteen i a hala bai te na nok dje dak i a lastra bai cu man i pia dilanti te na ultimo punta di rand dje dak.

Aya el a queda silencioso sin di minimo temor pa e altura asina vertiginosa na unda e tabata i ora cu el a inclina, el a hanje net riba e bentana rond dje dak, na unda dje parti bo por a mira riba camina grandi.

Luna tabata tira su rayonnan black riba e espectáculo strano aqul e i luz blanco aqul a permiti e maestro di por a mira den enter e caja bao di dje, principalmente King Street.

Un paar di minuut despues cu e detective a ocupa su post di observacion, e inspector i John Borton a aparece riba e caja ta biniendo p'ariba.

Combersando na boz alto nan a yega cerca e cas. I nan a queda para ta combersa bao di e bentana na unda Richardson a indica nan.

„Pero mi ta segura bo, Senjor Tomson. Loque mi a tende ajera noch no tabata raton di djaca, pasobra nunca mi no tabatin e bestianan ai den mi cas.“

„Acaso auto nan no por a bini di otro cas, di den mondi por ehemplo? E mehor cos cu mi por conseha bo. Sr. John, ta di pone un ratteval majan i lo mi pusta bo cuanto cu bo quier cu pa majan lo bo ta salba dje maloranan ai.“

„Pero si acaso bo n' ta quere, bam

cu mi un rato den mi dormitorio. I ora cu e zonido ai ripiti trobe, auto bo ta mira cu mi tabatin razon.“

„Pero mi ta segura bo cu bo exagera bo“, e inspector a responde. „Ta co'i spektakel di mi bai ariba cu bo solamente como bo tambe a bira ta quere den webu di gai awor.“

N'e mes momento ai un cabez cu jen di cabai pretu riba dje a inclina over dje bentana i a queda ta scucha combersacion dje dos hombernan.

„Wel, inspector, si bo ta rechaza mi, awe noch mi sol auto ta bai ariba, pasobra mi no por permiti e zonido aqul stroba mi di drumi. Awa di dos bez no ta miha macaco. Mi n' ta quere toch den spoki.“

Tendiendo asina e malbado a sagudi cabez i tabata hari goza i triunfante.

I na e momento aqul e detective a actua.

Cu un rapidéz sorprendente den un garra peligroso Richardson a dal man cohe e malbado fuertemente den e boshi di cabecan, i pa e asalto ai inespera e malbado a escapa un grito horrible cu a resona masha mahos den e soledad.

„Subi ariba numa, Senjores“, Richardson a bisa. „Awor si m'a cohe e malbado“. I e maestro su stem tabata expresa serenidad i severidad, cu un boz manera trueno.

Sin tene cuenta cu e gritonan terrible di dolor dje malbado, Richardson

Vigour Restored, Glands Made Young In 24 Hours

It is no longer necessary to suffer from loss of vigour and manhood, weak memory and body, nervousness, impure blood, sickly skin, depression, and poor sleep, because an American Doctor has discovered a quick, easy way to and these troubles.

The discovery is in pleasant, easy-to-take tablet form, is absolutely harmless, does away with gland operation and is bringing new youth and vigour to thousands. It works directly on the glands and nerves, and puts new, rich blood and energy in your veins. In 24 hours you can see and feel yourself getting younger. Your eyes sparkle, you feel alive and full of youthful vigour and power.

And this amazing, new gland and vigour restorer, called VI-TABS, is guaranteed. It has been proved by thousands and is now distributed by chemists here under a guarantee of satisfaction or money back. VI-TABS must make you feel full of vigour and energy and from 10 to 30 years younger, or you merely return the empty package and get your money back. VI-TABS costs little, and the guarantee protects you.

Vi-Tabs
Restores Manhood and Vigour

tabata ranca su cabecan asina duro te cu el a hala mitur curpa dje malbado over dje bentana.

(E ta sigui)

DEPUTADO HENRIQUEZ VIA MERCA PA HULANDA

ORANJESTAD. — Segun nos ta informa deputado O. S. Henriquez Dia-domingo proximo maigta lo sali for di Aruba pa bai Hulanda via Estados Unidos.

Sr. Henriquez lo tene conversacion na Miami cu e architect di Aruba Caribbean Hotel, sr. Morris Lapidus, y despues na New York lo e trata algun asunto cu Singmaster & Breyer, y tambe lo e discuti asunto di formacion di un oficina di turismo Arubiano na New York. I di Mei lo e sali for di New York cu rumbo pa Amsterdam na unda e ta spera di yega dia 2 di Mei pa e uniele na Hulanda cu e delegacion Antillano cu ta bai trata cu Gobierno Hulandes pa hunja un prestamo pa ehecu-cion di e diferente proyectonan.


CELEBRACION DI PRO-ME ANIVERSARIO DI SPES

Anochi cultural cu baile

SAN NICOLAS. — E sociedad juvenil Spes di Surinamnan lo celebra Diasabra anochi dia 27 di e luna aki, su prome anja di existencia cu un anochi cultural sigui pa baile.

E pantalla y iluminacion lo worde pone na uso oficialmente. Dos di e damanan cu a haci nan masha meritorio den e comite di damanan ta Sra. Erica van Niel y Sra. Buló.

Explosion na Balashi



Un di e explosionnan di mas grandi di dynamiet a tuma lugar ayera tardi banda di cine'or na e proyecton nobo di awa na Balashi. Nada menos cu 500 liber di dynamiet a explota na e ocasion aki, bulando toneladas di barranca. E foto aki ta mustra kiko a sosode.

Fl. 250.- mas di B.C. pa dia di La Reina

ORANJESTAD. — Segun nos a ser informa di Oranje Vereniging, B.C. a digna un aumento di f. 250.- pa fiesta di La Reina. E club di bala Trappers na Santa Cruz a hanja f. 100.-, y Savaneta tambe a hanja un aumento di f. 150.-.

Tocante Trappers directiva di Oranje Vereniging a pone e petition di Trappers den principio un banda como esaki a worde manda basta dia despues di e fecha fha.

Na Savaneta e asunto tabata otro: antes Savaneta y Pos Chikito tabata festa hunto y semper nan a hanja f. 500 pero awor e placa mester worde parti como cada un di e lugarnan ei ta or-

ganiza nan fiesta. Es anja aki e fiestan di Savaneta y Pos Chikito lo bolbe tuma lugar na Savaneta y prome nan a hanja f. 350.-. Tambe nos a ser informa di Oranje Vereniging cu mesos cu e anjanan anterior senjor Lope BeuJon, onder-voorzitter di Staten di Antillas Hulandes, lo tin palabura dia di anja di La Reina durante audiencia-publico.

Avisa den
Arubaanse Courant

Dia di St. Joris na Aruba



Ayera tardi banda di seis or trinta den nisa di St. Franciscus na Oranjestad Victor Labega, Adelierto Soto, Rafael Tromp, y Rafael Martinez a worde instala como e prome voortrekkernan di Aruba pafor di Lago. E ceremonial a worde dirigi door di pader N.J. van der Scys, kende a laga nan renova e promesanan di bantoz i despues riba altar e promesa di verkenncn. Banda di e pader riba e altar ta „oubas“ G.G. Quaedman. Garantia pa e promesanan aki tabata sres. W.L. van de Beck y R. Tromp.

At last!
Here comes
my Nestlé's
Condensed Milk!



Yes! Your baby really needs Nestlé's Sweetened Condensed Milk. Remember! His fitness tomorrow depends on the food he eats and drinks today. Nestlé's Milk is guaranteed for its purity and its quality; it undergoes strict control at every stage during manufacture. Today and every day, Nestlé's Condensed Milk will be of wonderful value for baby.



Nestlé's
sweetened
condensed
milk for
your baby's
health

Cu motibo di e hecho cu ayera tabata dia di St. Joris, tur e organizacionnan Catolico di Padvinderuan di nos isla a hasi un marcha door di Oranjestad, cu adilanti nan vandel y tambe. Aki nan ta pasando e nisa di Playa.